

代摩提丹宴訖賜祿有差

〔續日本紀孝謙十八〕天平勝寶三年正月庚子六日天皇御大極殿南院宴百官主典已上賜祿有差踏歌歌頭女孀忍海伊太須錦部河內並授外從五位下

〔續日本紀淳仁二十二〕天平寶字三年正月乙酉八日帝臨軒授高麗大使楊承慶正三位中賜國王及大使已下祿有差饗五位已上及蕃客并主典已上於朝堂作女樂於舞臺奏內教坊蹋歌於庭主典已上

次之事畢賜綿各有差
〔續日本紀淳仁二十四〕天平寶字七年正月庚申七日帝御閣門饗五位已上及蕃客文武百官主典已上於朝堂作唐吐羅林邑東國隼人等樂奏內教坊踏歌客主主典已上次之賜供奉踏歌百官人及高麗蕃客綿有差

〔續日本紀光仁三十六〕寶龜十一年正月壬午六日賜唐及新羅使射及踏歌

〔日本後紀桓武八〕延曆十八年正月辛酉六日御大極殿宴群臣并渤海客奏樂賜蕃客以上綦措衣並列庭踏歌

〔日本後紀嵯峨二十四〕弘仁六年正月戊子六日御豐樂院宴五位已上及蕃客奏踏歌賜祿有差

〔類聚國史七十二〕弘仁十一年正月己丑六日御豐樂殿奏踏歌宴群臣及蕃客賜祿有差 十三年正月戊申六日御豐樂殿宴五位已上及蕃客奏踏歌渤海國使王文矩等打毬賜綿二百屯為賭所司奏樂蕃客率舞賜祿有差

天長二年正月庚申六日為諒闇月天皇崩無視踏歌但賜酒肴及祿 四年正月戊寅六日從去十二月晦日聖體和不豫不御紫宸殿皇太子已下侍從已上賜祿觀踏歌詔曰天皇我詔旨止萬宣

布大命乎諸衆聞食給倍宣比來寒風爾不當給御坐爾依天今日乃豐樂理如常久不聞食然毛常母見留踏歌見太為恐行退止為毛奈御物賜波久宣皇太子已下稱唯拜舞賜祿有差